



Universitätsbibliothek Paderborn

**Römischer Kayserlicher Maiestat || ordnungen
fürsehungen vn[d] erclerungen/ wie allenthalben || im
hailigen Reich/ vnd sunderlich Teütscher Nation/ wi-||der
die manigfeltigen vergweltiger/ ...**

Karl <V., Heiliges Römisches Reich, Kaiser>

[Augsburg], 1522

VD16 D 1067

Wie die straff vnd handlung zu hanthabung gemaines Rechtens des
landfridens/ vnd anderer Reichs ordnung[e]n/ auch die Execution
gesprochner vrtailen Executorial/ vnd rechtmessiger auch gepürlicher ...

urn:nbn:de:hbz:466:1-14356

notdürfftig brief/vnder vnserm Kaiserlichen Titel vnd Sigel/in mas
sen wir das selbst thun solten vñ möchten aufgeen zulassen. Darne
ben auch vnser Kaiserlich Camergericht auffgericht/ vnd in seinen
vorigen ordnungen/damit menniglichem/mit fürderlichem/vnd vn
nerzugenlichem rechten verholffen werde/mercklich geendert/gebes
fert. Vnd darzu den gemainen des Reichs auffgerichteten vnd erclerten
landtfriden/mit etlichen notdürfftigen artickeln vnd zusatzen gemert/
alles laut vnd inhalt der ordnungen vñnd abschieden darüber auffge
richt/der wir vns dan auff berürten Reichstag gegen euch vnd herwi
derüb jr gegen vns/die getreulich zuhalten/vñ zuhanthaben/verpun
den/verpflicht vñ verstrickt haben. Dieweil aber die gesetz gemainer
recht/vnd alle obgedachte/auch andere auffsetzungen/vñ ordnungen/
darzu erlangte Recht/nit nutz oder fruchtbar/wa die mit statlicher bil
licher/vnd ernstlicher hanthabung vnd Execution auffgesetzter/vnd
gepürender straff/vnd sunst der notdurfft nach/gegen den übertretern
vnd vorachtern/nit volnzogen wurden. Dess halben dan bemelt vnser
Regiment in crafft obgedachts gegebenes beuelhs/neben anderm vleis
sigen nachdencken/obbestimpter straff vnd execution halber erwegen/
mercklich notdürfftig sein/die selben straffen vnd Executions/gegen
den freueln/aigengwaltigen tzerhern/auffsetzigen/beschedigern/jren
helffern vnd fürschiebern/als verachtern/vñnd verpöchern dergegen
gemaines rechtens landtfridens vnd anderer Reichs ordnungen/auch
verwüftern aller straffen vnd menniglichs gemainen handels/vnd
wandels(welchs dan aller erbarkeit/am höchsten auch vordersten/ge
mainem nutz/darzu allen oberkainen an jren einkomen/des gleichñ den
ihenen/wider die solches fürgenömen würde/in vilfeltig weg abbüch
ig/nachtailig/beschwerlich vñ vntreglich/auch auß der not lenger nit
zugedulden ist/Darzu sunst ander notdürfftig Executions/gegen al
len den ihenen/die sich wider die gesprochen vitailen/erkanten Execu
torialn/auch andere rechtmessige/zimliche vnd gepürliche Mandat vñ
gepot/so von vns/vnserm Regiment/auch Camergericht aufgangen
werden/oder noch aufgeen würdē/wie sich dan das allenthalben/nach
vermög gemainer Recht/vnser vnd des Reichs landtfriden vnd allen
desselben erclerungan/auch anderer Reichs ordnungen gebüren wirt/
zum besten/fruchtbaristen/auch ernstlichsten fürzunemen.

Wie die straff vnd handlung zu
hanthabung gemaines Rechtens des landtfridens/vnd
anderer Reichs ordnungñ/auch die Execution gesproch
ner vitailen Executorial/vnd rechtmessiger auch gepür
licher gepot/vñnder anderm durch zehen des hailigen
Reichs krais geschheen sol.

Vnd in dem allen befundñ/das sollich vnuermeidlich/norwegend werck/durch niemant fäglicher/fürtreglicher/noch gewisser dann die zehen des Reichs kraiss/wie die mit etlichem notdurfftigem zúsatz hernach volgen/volbracht werden soll vnd mag. In massen dan sollich zu notdurfftiger volziehung/handhabung vnd Execution/des alles wie gemelt/hienor auff etlichen Reichstagen/sonderlich zu Trier vnd Cöln/des Fünffzehnhundertisten vnd zwelfften jars/Auch yetz am jungsten/auff vnserm Reichstag zu Wormbs gehalten/in vnserm erclerten landstriben/auch vnser newen Camergerichts ordnungen/den zehen kraissen auch aufferlegt/vnd in dem durch etlich ordnungen/sürsichung geschehen/auch sollichs alles hienor/vnd am jungsten/durch auch Churfürsten/Fürsten vnd Stende bewilligt vñ angenommen worden ist. Demselben nach so haben wir yetz sampt vnserm Regiment solchen weg/zu thatlicher straff/auch volziehung vnd handhabung gemainer Recht/des auffgerichtten vnd erclerten landstribens/auch aller Reichs ordnungen/so yetz gemacht sein/vnd hinfüro durch vns auch vnser regiment/oder ferrer Reichs versamlungen/aufgericht werdn/der gleichen anderer tatlicher Executionen der gesprochen vitailen/executionalen/mandat vnd gebot/wie dan das alles not vñ dienstlich sein will vnd mag/durch solch zehen des Reichs kraiss gleicher massen zugescheen/sürgenommen/Auch darauff etlich artigel/aus obengemelter Reichs ordnung zu Cöln beschloffen/gezogen/Vnd darzu ander mer new/nach vermög vnseres Regiments/obgemelten beuelchs vñnd gewalts auffgericht vnd beschloffen/alles wie hernach volgt.

Hernach volgen die zehen kraiss

wie vnd auff welche ort die in das ganz Reich aufgetailt werden.

Der Osterreichisch kraiss

Nemlich sollen wir mit vnserm lieben buuder Erzherzogen Ferdinanden ic.mit vnsern erblanden zu Osterreich vnd Tirol ic. ainen kraiss haben.

Der Burgundisch kraiss.

Vnd Burgundi mit seinen landen/auch ainen haben.

Der vier Churfürsten am Rhein kraiss.

Item sollen die vier Churfürsten am Rhein/sampt den Prelaten Grauen vnd Herren/so vnder inen geseßen/ainen haben.